

Amra Junuzović – Kaljić
Zastupnica u Skupštini Kantona Sarajevo

Kanton Sarajevo
Vlada Kantona Sarajevo
Skupština Kantona Sarajevo
n/r: Predsjedavajući Skupštine Kantona Sarajevo
n/r: Sekretar Skupštine Kantona Sarajevo

Poštovani,

Na osnovu člana 106. Poslovnika Skupštine Kantona Sarajevo („Službene novine Kantona Sarajevo” broj: 41/12 – Drugi novi prečišćen tekst , 15/13, 47/13, 47/15, 48/16, 9/20 i 14/20), upućujem sljedeću

Inicijativu

U komunikaciji sa ljudima iz struke, dobila sam informaciju da se u narednom periodu na području Kantona Sarajevo očekuju ekstremno visoko temperature, čak i najvisočije temperature, od kada postoji mjerenje hidrometeoroloških parametara u Bosni i Hercegovini, te da će se one zadržati u julu, augustu i septembru.

Slijedom toga, povećana je opasnost od opterećenja zdravstvenog sistema sa pacijentima koji su dehidrirali ili doživjeli toplotni udar, stoga ovim putem podnosim inicijativu prema Ministarstvu zdravstva Kantona Sarajevo da u što kraćem roku, obezbijedi potrebne uslove kako bi se na vakcinalnom punktu ispred dvorane Juan Antonio Samaranch, kao mjestu masovnog okupljanja, postavile nekomercijalni punktovi za osvježenje na kojima bi bila dostupna pitka voda, ali i potreban hlad za stanovnike našeg Kantona, a sve u svrhu snižavanja tjelesne temperature i sprječavanja dehidriranja.

Također, je potrebno da, Ministarstvo zdravstva Kantona Sarajevo, u saradnji sa MUP Kantona Sarajevo, usvoji set mjera koje je potrebno da ispunjavaju organizatori različitih dešavanja, te da pored obaveznog prisustva kolega iz Hitne pomoći, policije i vatrogasaca, jedna od obligatornih stvari bude upravo i obezbjeđenje nekomercijalne pitke vode, čija će se količina procijeniti na osnovu parametara kojima se predviđa broj učesnika.

Potrebno je da Ministarstvo zdravstva Kantona Sarajevo putem različitih kanala komunikacije, upozna i educira stanovništvo o mjerama zaštite od visokih temperatura, te o načinu izbjegavanja neželjenih posljedica.

S poštovanjem,

Amra Junuzović – Kaljić
Zastupnica u Skupštini Kantona Sarajevo